

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԵՐԵՎԱՆ ՔԱՂԱՔԻ ԱՎԱԳԱՆԻ

«—» 2024թ.

N ____ Ն

ՈՐՈՇՈՒՄ

ԵՐԵՎԱՆ ՔԱՂԱՔԻ ԱՎԱԳԱՆՈՒ 2009 ԹՎԱԿԱՆԻ ՀՈՒՆԻՍԻ 18-Ի N 1-Ն
ՈՐՈՇՄԱՆ ՄԵջ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և
34-րդ հոդվածներով՝

Երևանի ավագանին որոշում է.

1. Երևանի ավագանու 2009 թվականի հունիսի 18-ի «Երևան քաղաքի կանոնակարգը ընդունելու մասին» N 1-Ն որոշման հավելվածում կատարել հետևյալ փոփոխությունը.

1) հավելվածի 75-րդ կետը շարադրել նոր խմբագրությամբ.

«75. Ավագանու յուրաքանչյուր հերթական նիստին Ավագանու անդամի բանավոր հարցերին պատասխանում են Քաղաքապետը, Քաղաքապետի տեղակալները, վարչական շրջանների ղեկավարները և Քաղաքապետարանի աշխատակազմի ստորաբաժանումների ղեկավարները, բացառությամբ այն նիստերի, երբ Կանոնակարգի 76-րդ կետի համաձայն ավագանու հերթական նստաշրջանների մեկ նիստի ընթացքում հայտարարվում է մտքերի փոխանակություն և երբ ըննարկվում է Երևան քաղաքի բյուջեի նախագիծը:»

2. Սույն որոշումն ուժի մեջ է մտնում պաշտոնական իրապարակմանը հաջորդող օրվանից:

«Ազգային առաջընթաց»
Խմբակցության անդամ

Հայկ Գրիգորյան

ՏԵՂԵԿԱՆՔ - ՀԻՄՆԱՎՈՐՈՒՄ
**«ԵՐԵՎԱՆ ՔԱՂԱՔԻ ԱՎԱԳԱՆՈՒ 2009 ԹՎԱԿԱՆԻ ՀՈՒՆԻՍԻ 18-Ի N 1-Ն
ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ»**

**ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ
ԱՆՀՐԱԺԵՏՈՒԹՅԱՆ ՎԵՐԱԲԵՐՅԱԼ**

**Ընթացիկ իրավիճակը, իրավական ակտի ընդունման անհրաժեշտությունը,
առկա խնդիրների առաջարկվող լուծումները.**

«Երևան քաղաքում տեղական ինքնակառավարման մասին» օրենքի 12-րդ հոդվածի 1-ին մասի 1-ին կետով նշվում է, որ Երևան քաղաքի ավագանին ընդունում է իր կանոնակարգը:

Երևանի ավագանու 2009 թվականի հունիսի 18-ի «Երևան քաղաքի կանոնակարգը ընդունելու մասին» N 1-Ն որոշման հավելվածի 75-րդ կետը սահմանում է ավագանու հերթական նստաշրջաններին՝ երկու ամսվա մեջ մեկ նիստի ընթացքում, ավագանու անդամի բանավոր հարցերին պատասխանում են քաղաքապետը, քաղաքապետի տեղակալները, վարչական շրջանների ղեկավարները և քաղաքապետարանի աշխատակազմի ստորաբաժանումների ղեկավարները: Սակայն գործնականում դա հանգեցնում է մի այնպիսի իրավիճակի, երբ ավագանու անդամը ունենում է հարց՝ ուղղված վարչական շրջանների ղեկավարներին, սակայն նշված անձինք ներկա չեն լինում նիստին ու ստիպված պետք է կամ թղթային տարբերակով ուղարկել հարցում, կամ սպասել մինչև հաջորդ ամսվա մեջ կայացող ավագանու նիստին, որի դեպքում էլ տվյալ հարցը կորցնում է իր իրատապությունն ու արդիականությունը:

Հաշվի առնելով վերոգրյալ՝ առաջարկում ենք սույն փոփոխությունը, որը միտված է յուրաքանչյուր նիստին քաղաքապետի, քաղաքապետի տեղակալների, վարչական շրջանների ղեկավարների և քաղաքապետարանի աշխատակազմի ստորաբաժանումների ղեկավարների մասնակցությանը յուրաքանչյուր նիստին, հաշվետվողականությունը բարձրացնելուն, ինչը և կիրանի հանրության առջև առավել թափանցիկ ու պատասխանատու գործելուն:

«Երևան քաղաքի ավագանու 2009 թվականի հունիսի 18-ի N 1-Ն որոշման մեջ փոփոխություններ և լրացումներ կատարելու մասին» Երևան քաղաքի ավագանու որոշման նախագծի ընդունումը Երևան քաղաքի բյուջեի եկամուտների և ծախսերի ավելացում կամ նվազեցում չի առաջացնում:

**«Ազգային առաջընթաց»
խմբակցության անդամ**

Հայկ Գրիգորյան

<p>ավագանու լորաքանչոր հեղթական նիստին ավագանու անդամի բանակոր հարցերին թարգապետի, թաղաքապետի տեղականների, վարչական շրջանների ղեկավարների և թաղաքապետարանի աշխատակազմի ստորաբաժանումների ղեկավարների պատասխաններու վերաբերյալ նարզակիրման ներդրման անհրաժեշտությունը:</p>	

Հայկ Գրիգորյան

Ազգային առաջընթաց
Խմբակցության անդամ